



## Informacija o početku aktivnosti na izradi Strategije razvoja općine Maglaj 2021-2027.g.

Shodno zaključku Općinskog vijeća Maglaj broj 02-05-1-623-15/19 od 01.04.2019. godine, o blagovremenoj pripremi i početku izrade Strategije razvoja općine Maglaj 2021-2027.g. te na osnovu člana 27. stav 3, Zakona o razvojnom planiranju i upravljanja razvojem FBiH, Načelnik općine je 08.11.2019. godine donio Odluku o izradi Strategije razvoja općine Maglaj 2021-2027.g. – u prilogu.

Cilj je, s obzirom na kompleksnost procesa, propisanu metodologiju i predviđenu dinamiku izrade, blagovremeno otpočeti aktivnosti na izradi Strategije razvoja općine Maglaj 2021-2027.g. kako bi se ista kvalitetno pripremila te predložila Općinskom vijeću Maglaj na usvajanje, a prije isteka važeće strategije razvoja.

Izrada strategije razvoja jedinica lokalne samouprave je pored jasnog interesa i potrebe općina i gradova, propisana Zakonom o razvojnom planiranju i upravljanju razvojem Federacije BiH, koji je usvojen u 2017. godine i kao takva treba na harmoniziran način, utvrditi ciljeve i prioritete razvoja, način njihovog ostvarivanja, finansijski i institucionalni okvir za implementaciju, monitoring, evaluaciju i izvještavanje.

Strategija razvoja jedinice lokalne samouprave je osnovni dokument za izradu DOB-a, budžeta i PJI jedinice lokalne samouprave, programa rada općinskog načelnika za mandatni period, trogodišnjeg i godišnjeg plana rada jedinice lokalne samouprave i godišnjeg programa rada Načelnika općine.

U skladu s tim, Načelnik općine je donio odluku o izradi strategije te nakon donošenja rješenja o imenovanju Općinskog razvojnog tima, kao koordinacionog tijela i nosioca izrade, odnosno imenovanja sektorskih i Partnerske grupe, započeti će proces izrade.

Uporedo s tim započeti će i završna evaluacija od strane stručnog konsultanta, Strategije razvoja općine Maglaj 2012-2020.g. a čiji će rezultati, pored ostalih indikatora socioekonomske analize, poslužiti kao polazna osnova za izradu strategije razvoja općine Maglaj 2021-2027.g.

Pozivaju se svi relevantni akteri, na dodatnu motivaciju i razmišljanje o doprinosu u svom radu u procesu izrade ovog krovnog dokumenta općine Maglaj, kao i u donošenju odluka o strateškim prioritetima i operativnim ciljevima u narednim godinama.

Akteri koji pripremaju i provode Strategiju razvoja su – javni, privatni i civilni sektor, a u skladu sa Zakonom o razvojnom planiranju i upravljanja razvojem FBiH i MiPRO metodologijom integrisanog lokalnog razvoja.

Maglaj, 20.11.2019. godine  
Broj: 01- 49 – 2320-1 /19





Broj: 01-49-2320/19

Datum: 8.11.2019.godine

Na osnovu člana 15. Zakona o principima lokalne samouprave Federacije Bosne i Hercegovine („Službene novine Federacije BiH“, broj: 49/06), člana 41. Statuta Općine Maglaj („Službene novine Općine Maglaj“, broj: 8/07, 3/08 i 6/08), te člana 27. stav (3) Zakona o razvojnom planiranju i upravljanju razvojem u Federaciji Bosne i Hercegovine („Službene novine Federacije BiH, broj 32/17), Načelnik općine **d o n o s i**

## O D L U K U

### O IZRADI STRATEGIJE RAZVOJA OPĆINE MAGLaj 2021 - 2027. G.

#### Član 1.

(1) Pokreće se proces izrade Strategije razvoja općine Maglaj 2021 – 2027.g.

(2) Strategija razvoja općine Maglaj je integrirani, multisektorski strateški dokument Općine Maglaj koji definiše javne politike, usmjerava razvoj općine Maglaj kao jedinice lokalne samouprave i planiranim strateškim ciljevima i prioritetima predstavlja putokaz za sveukupni društveni razvoj.

(3) Strategija razvoja općine Maglaj 2021 – 2027.g. je nastavak kontinuiteta u izradi strateško planskih dokumenata općine Maglaj a s obzirom na završetak perioda važenja Strategije razvoja općine Maglaj, 2012-2020.g – revidirana za period 2018-2020.g.

#### Član 2.

U procesu izrade Strategije razvoja općine Maglaj 2021 – 2027.g. primjenjivati će se načela razvojnog planiranja i upravljanja razvojem iz člana 4. Zakona o razvojnom planiranju i upravljanju razvojem u Federaciji Bosne i Hercegovine i preporučene Metodologije za integrirano planiranje lokalnog razvoja –miPro.

#### Član 3.

Strategija razvoja općine Maglaj 2021 – 2027.g. će uobziriti prioritete i razvojne pravce definisane u relevantnim strateškim dokumentima Bosne i Hercegovine i drugim nadređenim relevantnim dokumentima.

#### Član 4.

(1) Nositelj izrade Strategije razvoja općine Maglaj 2021 – 2027.g. je Općinski razvojni tim imenovan od strane Načelnika općine.

(2) Učesnici u procesu izrade Strategije razvoja općine Maglaj 2021 – 2027.g. su javne ustanove, preduzeća, i druge institucije i organizacije koje egzistiraju na području općine Maglaj, te socio-ekonomski partneri i građani.

(3) Općinski razvojni tim će, primjenom otvorenog metoda koordinacije i poštujući princip horizontalne i vertikalne koordinacije, formirati radna tijela za sudjelovanje u izradi strategije, kojim se osigurava uključivanje sudionika iz stava (2) ove tačke u svim fazama procesa izrade Strategije razvoja općine Maglaj 2021 – 2027.g.

#### Član 5.

Proces izrade Strategije razvoja općine Maglaj 2021 – 2027.g. odvijati će se po sljedećim fazama:

- socioekonomska analiza i izrada strateške platforme koja obuhvata određivanje vizije razvoja i strateških ciljeva;
- određivanje prioriteta i mjera;
- identifikacija strateških projekata;
- izrada indikativnog finansijskog okvira za implementaciju strateških dokumenata;
- definisanje načina implementacije, praćenja, izvještavanja i evaluacije strateškog dokumenta;
- usvajanje strateškog dokumenata uz prethodno informisanje i uključenost javnosti shodno miPRO metodologiji

#### Član 6.

Strategija razvoja općine Maglaj 2021 – 2027.g. je ključni dokument za izradu sektorskih strategija, programa rada Načelnika općine za mandatno razdoblje, dokumenta okvirnog Budžeta (DOB-a), godišnjeg Budžeta, Plana kapitalnih investicija i dr.

#### Član 7.

- Rok za izradu Strategije razvoja FBiH je 12 mjeseci od dana donošenja ove Odluke.
- Sredstva za izradu Strategije razvoja općine Maglaj 2021-2027. osigurati će se u Budžetu Općine Maglaj za 2020. godinu.

#### Član 8.

Ova Odluka stupa na snagu danom donošenja.

